



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 56. Franciæ Rex Grisonibus opem pollicitus.

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

Sæc. XVII. A. C. 1622. econtra Episcopo & Capitulo libertatem suam fartam tectam conservarent, & ab omni eos injuria vindicarent: V. Militibus in discessu cibum, potumque, dummodo solutionem præstituri essent, præberent, & captivos duos præfectos dimitterent.

Firmatis utrinque hisce legibus Hispani, atque Itali cum Balderonio Præfecto, & Germani numero nongenti quinquaginta urbe excefferunt, jurare compulsi, quod nec contra Calvinistas nec Lutheranos unquam arma capessere vellent: Nihilominus conjurati Curiensem Episcopum & præcipuos quatuor Belliduces tamdiu captos retinebant, donec Cæsar quatuor Prædicantes ob sua seditiosa dicteria Oeniponti detentos, liberos dimisisset.

§. LVI.

*Franciæ Rex Grisonibus opem pollicitus.**Merc. l. c.**p. 433.**Lud. Theatr.**Meteran. l. c.*

Nondum tamen Brettigaviensium Calvinistarum satiata erat in Catholicos sæviendi cupiditas: Præprimis omnia, quæ Mediolani cum Hispanis fœdera, interposita etiam juramenti Religione, pacti fuerant, die vigesima septima Junii innovata pristina inter se conjuratione velut irrita & nulla declarata-

clararunt: ut vero violatæ fidei calumniam conficta Deputatorum malitia a se amolirentur, hinc Rudolphum Salifum, Plantam, ceterosque, quos Mediolanum deputaverant, perinde ac si mandati limites transgressi fuissent, nulla de iis habita quæstione, fustibus crudelitate plusquam barbara interemerunt, Lucernensibus, aliisque quatuor Catholicorum locis, ni ad eorum partem accederent, extrema quæque interminati. Cum autem Tigurini, Glacenses aliique Helveticæ gentis Calvinistæ hisce latronibus valida submitterent auxilia, Archidux pro necessaria suorum defensione extremas opponere vires cogebatur: contractis igitur octo circiter millibus ductore Sultzensi Comite die trigesima Augusti utrumque Engedinensem Pagum, Brettigovium, Taram, Maienfeldium, & Curam recuperabat, rebellibus in alpium interiora repulsis. Jam inter arcta prehensi Grifsones, tam suos, quam Helvetios Oratores Parisios ablegarunt, Regique ob immodicam Austriacorum & Hispanorum potentiam timorem incutere solliciti, opem implorarunt: Favere Lediguerius, obstabat tamen virili pectore Condæus, qui Calvinianæ fraudis, juxta ac ferociæ rudimenta in Hugonotico bello comprobata habebat:

Sæc. XVII.
A. C. 1622.

Sæc. XVII. A. C. 1622. bebat: Grifones igitur prompti auxilii
 spe frustrati, nova cum Hispanis pacta
 inierunt, eadem tamen facilitate, qua
 se, si occasio dederit, ea impune viola-
 turos sperabant: Præsentibus igitur
 Scapio Sedis Apostolicæ Nuntio, Ca-
 satio Hispano, & Molina Gallo, nec-
 non quatuor Austriacæ Domus Orato-
 ribus Landavii decretum, ut octo pagi
 a ceteris Grifonibus exclusi Leopoldo
 Austriaco homagium præstarent, & Re-
 ligio Catholica necnon Præsules cete-
 rique Catholici in integrum restitueren-
 tur, demum Valtelini munimenta, &
 Burmia summo Pontifici vel alteri Prin-
 cipi in sequestrum relinquerentur. Hos
 pluresque alios transactionis articulos
 die trigesima Octobris non modo Au-
 striaci, sed etiam Grifones suis sigillis
 & chirographis munierunt, ac in Curæ
 comitiis acceptarunt. Sub idem tem-
 pus Carolus Emanuel Sabaudia Dux
 Ludovicum XIII. ex Hugonotica expe-
 ditione reversum Avenione salutabat,
 ubi unacum Pefaro Veneto Oratore
 pro Hispanis, Austriacisque copiis ex
 Rhætia pellendis cum Rege agebat;
 nec improspere successu; quippe inter
 Gallos, Venetos & Sabaudos fœdere
 in Grifonum favorem inito, significatum
 Mirabello Hispaniæ Legato, quatenus
 aut Madritense pactum executioni da-
 retur,

retur, aut communibus armis res di- Sæc. XVII.
rimenda foret. Pariter Archiduci Leo- A. C. 1622.
poldo, & Papæ Nuntio declaratum,
quod Franciæ Rex Landavienſem trans-
actionem nullatenus ratam habere vel-
let: obſtabat Nuntius, indecorum fo-
re exponens, ſi Rex debellatis ſui Re-
gni Calviniftis externos auxilio foveret:
verum ſpe facta, Religioni nil dero-
gatum iri, Nuntius ſilentio obſequioſo
rem diſſimulare cogebatur. Rebus ita
diſpoſitis hoc anno Grifonum Calvini-
ſtarum furor ſopitus, nullatenus ta-
men extinctus eſt.

§. LVII.

Varie decisiones S.S. Congregationum circa Ecclesiæ Disciplinam.

Hoc item anno ſummi Pontificis au- S.S. Congre-
ſtoritate Sacrarum Congregatio- gat. rit. E.
num Conſultores emergentibus dubiis, pisc. & Reg.
aut exortis corruptelis obviare ſatage-
bant, & quidem Sacra rituum Con-
gregatio die decima nona Februarii de-
claravit, Euchariſtiam in Feria ſexta
Paraſceves nonniſi infirmis eſſe admi-
niſtrandam, eodem autem die Fideles
officio de præcepto intereſſe, non tene-
ri, etſi ea die Feſtum B. V. Annuntiæ
occurrat: prohibuit etiam die octava
Julii ſummus Pontifex indiſta anathe-
matis